

**KENYATAAN / SIARAN AKHBAR**

Untuk maklumat lanjut sila hubungi:

Bahagian Komunikasi Korporat

Perbadanan Putrajaya

Tel Pejabat : 03-8887 7033 Faks: 03-8881008

Talian Bimbit : 019 3354346 (En. Mohd Fairus Mohd Padzil)

OPERASI SANITASI AWAM DI PRESINT 4, PUTRAJAYA

PUTRAJAYA, 19 Oktober 2020 – Kementerian Wilayah Persekutuan (KWP) menerusi agensinya Perbadanan Putrajaya (PPj) dengan kerjasama Jabatan Bomba dan Penyelamat Putrajaya (JBPM), Pejabat Kesihatan Daerah Putrajaya, SW Corp dan Alam Flora melaksanakan kerja-kerja sanitasi awam di Presint 4, Putrajaya.

YB. TPr. Tan Sri Annuar bin Hj. Musa, Menteri Wilayah Persekutuan dan YBhg. Datuk Muhammad Azmi bin Mohd Zain, Presiden PPj turut meninjau operasi sanitasi awam ini yang bertujuan untuk membendung penularan wabak Covid19 di Putrajaya. Ianya juga merupakan salah satu inisiatif Wilayah Prihatin KWP di bawah Cakna Keselamatan ke arah memastikan keselamatan dan kesejahteraan warga Wilayah Persekutuan sentiasa terpelihara dan diberi keutamaan.

Seramai 30 anggota terlibat dalam operasi ini yang meliputi kerja-kerja disinfeksi di kawasan luar bangunan pejabat kerajaan di Presint 4 iaitu Kementerian Pembangunan Luar Bandar; Kementerian Komunikasi dan Multimedia; Kementerian Perumahan dan Kerajaan Tempatan; dan Kementerian Pembangunan Wanita, Keluarga dan Masyarakat serta kawasan parkir terbuka, bus stop, lobi pejabat dan tempat-tempat awam berhampiran.

Operasi ini merupakan kesinambungan daripada sanitasi awam yang telah dilaksanakan sebelum ini di Putrajaya dan akan diteruskan di beberapa kawasan awam lain secara berjadual meliputi kawasan komersil, kemudahan awam, perumahan dan bangunan kerajaan sepanjang tempoh Perintah Kawalan Pergerakan Bersyarat (PKPB) bagi kawasan Putrajaya dari 14 hingga 27 Oktober 2020.

Perbadanan Putrajaya

Tarikh: 19 Oktober 2020